

QUOD FELIX FAUSTUM FORTUNATUMQUE SIT

HERIBERTO BANNERT, Instituti Philologiae Classicae Mediaeque et Infimae Latinitatis huius Universitatis praesidi, litterarum Graecarum investigatori bene merito, lustris tredecim feliciter peractis postera curis officiisque carentia exspectanti, cuius opera atque diligentia STUDIA VINDOBONENSIA per tantam *annorum seriem temporumque fugam* et, quod ad formam speciemque attinet et quod ad ipsa argumenta, in optimum statum redigebantur, hoc volumen dicatum voluerunt collegae atque amici.